


مکرمه

ادبی و سیاسی رسالهٔ اسبوعیه در

۳۰ نجی سنه



۲۴ رجب الفرد ۱۳۲۹

پنجشنبه

جزء عدد : ۱۰۵

شایان عبرت بر استقامت

[وجدان و برگوسی]

اوروپا نك اكثر ممالك كنده تمتع اوزر ينه و برگو آنديني معلومدر ، تمتع و برگوسی الك اول انكلكترده احداث اولنمشدى . فقط بر جوق تجربه لر نتيجه سى اوله رق ، خيليجه تعديلاته اوضرا مشدر . خصوصا انكلكترده هر حادثه حربيه نك موجب اولديني مصارف ، ختام حربده بو و برگونك تزايدينه باعث اولور . و مصرفدن طولاي موازنه ده كوريلان آجيق قبانقدن صكره ضم اولنان شى ينه تنزيل ايديلور .

مثلا بهر انكلز ليراسندن اوچ بنى (كه يوز ليراده بر ليرا و بر خمس ليرا ايدر) و برگو آنديني حالده بعض دفعه بو خمس ربه ، نصفه اوچ ربه قدر ترقى ايدر . ۱۸۷۶ دن برى انكلكترده تمتع سنويسى يوز اللى ليرادن آشاغى اولانلر عموماً بو و برگودن معفوط و تلقده در . و ۱۶۰ دن ۴۰۰ ليرايه قدر تمتع سنويسى اولانلر ك ۱۲۰ ليراسى تنزيل ايديله رك متباقى ۲۸۰ ليراسندن و ۴۰۰ دن يوقار و تمتع صاحبلى نك بهر ليراسندن اوچ بنى آليور كه انكلكتره خزينه سنه بو نام آلتنده كى و برگودن سنوى ۵,۲۸۰,۰۰۰ ليرا داخل اولور .

مصر و سودان سفر لرندن طولاي بو اوچ بنى و برگويه برازشى ده اضم اولديني كى ، طرائس و ال سفر ينك باعث اولديني مصارف عظيمه دخى و برگونك مقدار نى يوزده ايكي بچفه چيقار دقندن درت سنه صكره موازنه حاصل اولمغله حال سابقه اينمشدر .

دول سائرده موازنه آجيقلى اكثرا استقرار ايله قبالديني حالده انكلكترده ۱۸۰۶ ده يالكز بردفعه او واسطيه مراجعت ايدلمش و اوتار يخذن صكره بو طريق تسويه اختيار اولنمشدر .

بو ویرکو . تمتع مقدار حقیقیسی اوزرینه آلتحق اقتضا ایدر . بونک ایچون انکلتزه ده پک چوق صور و وساطله مراجعت اولنش ایسده حقیقته وصول میسر اوله مامش و بناء علیه اصحاب تمتع استقامت وجدانیه لرینه مراجعتدن بشقه مدار استناد قالمشدر . (۱) فی الحقیقه انکلیز لر اخلاق مدیه لرینک استقامته مطمئن و ویرکونک حقیقت تمتعه کوره طرحنده کی استحصالی مدیرک اولدقلری حالده بر آدمک کچن سنه کی تمتی اعتباریه مکلف طوتلدیفی ویرکونک ، بوسنه کی مقدارینه کوره یا آز و یا خود چوق اوله ییلسده داخل احتمال اولدیغندن و تمتع مقداری تنزل ایسدیکی حالده آتی اخبار و اصولاً اثبات ایدنلره مقابل تمتی تراید ایدنلردن اونسبتده ویرکو استحصالی استقامت وجدانیه حواله ایدرک ویرکو قانونسه (وجدان ویرکوسی) نامیه بر فقره علاوه ایشلردر ، که اوده مثلاً بر آدمه بیك لیرا قزانج اعتباریه طرح ایدیلا ۱۲ لیرا ویرکو اگر نصاب مفروض تمتعدن دون و آنک اوست طرفی ایچون وجداناً هر قاج فروش اعطاسنه مدیون ایسه اومقداری خزینیه اعطا ایتملکی مکلفینک وجدانسه ترک ایشلردر .

ایشته کچن کون انکلتزه مالیه ناظرینه بو وجدان ویرکوسندن طولای (ژ . ج) امضاسیله بر مکتوب کلش و دروننده ایسه ۳ قطعه بش لیرالق بانک قائمسی ملفوف بولمیشدر . مکتوب مالیه ناظری طرفدن رسمی غرضده نشر ایدلمشدر ، که شایان اعتبار اولسنه مبنی عیناً آتی به نقل اولندی :

« ناظر افندی ! ملفوف اوج بانک نوط ، ویرکو دفترنده مقید تمتع سنونینک فوقنده بوسنه کی قزانجیمک ویرکوسی اولدیغندن طرفکزه کوندلمشدر . »

امضا

(ژ . ج)

ایشته بو وجدان ویرکوسی فرائض اسلامیهدن اولان (زکوة) شرعی به برنوع تقریدر .

ابوالضیا



(۱) انکلتزه ده بو ویرکو مکلفینک حکومت و بردکاری بیاننامه به کوره طرح اونور .